

編號 1 號

【承雨】林伯殷原作

落雨哩！落雨哩！看著大雨點跔等風對佢掃過來，心肝肚正在該想，這陣雨實在就望還久哪！望到圳溝燥忒、河壩濂忒、水庫乜見底咧！望到連田泥就必開來咧！佢正想愛膠手伸出屋簷下摸一下久見個雨，告知無兩下，屋簷水就瀉往出打到地泥下滴滴塔塔¹，大嫲牯聲提醒佢，講這雨毋會細哦，佢做得打爽忒！佢黏時去尋水桶放在屋簷下承雨，想……等水裝湊個時節，好倒入水庫囤起來，看做得毋使再過限水無？

看等、看等水桶承個雨緊來緊湊，吾心肝頭就越來越歡喜，感覺有落大雨還好哪！早恁久咧，滿哪仔都燥絲絲仔，有大雨來解決缺水個問題，還有麼个比這較好个？吾心肝變到盡貪，想……一陣大雨仰會罇，係雨無落較久兜仔、落較多兜仔，膠水庫撐到飽飽，若係太陽公三兩下又弄等出來，該就盡無結煞哦！又毋知愛望雨望到幾時？好得屋簷水還係直瀉，水桶還係當當承，一桶、兩桶、三桶……，水桶承個雨湊了又湊，佢就像人看著水庫个水洩出來樣仔，實在還歡喜哪！

過一站仔，雨變細也，屋簷水變做一點个定仔跌落水桶肚，佢聽著涿、涿个聲音，忽然間想起老屋个承雨聲，該屋外落大雨，屋肚落細雨个時節，地泥下排等个盆頭鉢仔，分屋頂跌下來个雨點打出滴滴涿涿²个聲音，還會隨等落大雨變遽、落細雨變慢，暗晡頭係睡在眠床項，用聽个，就知外背个雨落有幾大。係堵著風搓雨掃掃滾³，又聽著屋肚滴滴涿涿个承雨聲，該就愛大愁屋頂毋知會承毋贏風雨嘎塌下來無！平平係承雨，仰在屋簷下膠屋肚會有恁大个爭差呢？好得這下人大體戴樓屋，毋使再過看啊著落大雨就愁屋肚愛承雨無！

天公還惜恁哪！連連續續又落咧當久个雨，各地水庫个个水位升加已多，照理講大家較毋使驚無水好用咧，毋過，佢還係知有落雨，就會尋桶仔放在屋簷下承雨，想愛留加兜仔水來用，聽等該滴滴涿涿个聲音，吾心肝肚無半點愁慮，嘍有一種當滿足个感覺。

² 滴滴涿涿：音 did did dug dug；形容水滴滴在地面或物體上所發出的聲音。

³ 掃掃滾：音 so so gun；形容風雨快速吹掃過的聲音。

¹ 滴滴塔塔：音 did did dab dab；形容雨滴打在地面或物體上所發出的聲音。